



OSNOVANA 1910.

ASOCIJACIJA ZA UMJETNIČKU FOTOGRAFIJU U BiH

Šeste bosanske 4, 75000 Tuzla, Bosna i Hercegovina,

E - mail : ozren@bih.net.ba - www.fotobih.ba

Telefoni - +38735 248 930 Fax +387 35 248 931 mob.+38761 101 330

ID broj : 4209583240005 - Registrovana pod brojem 91/03 od 29.04.2003.g.

Žiro račun broj : 1941041066600115 Pro Credit bank Filijala Tuzla

TV Salon umjetničke fotografije

Autor i producent TV Salona umjetničke fotografije, Robert Andrejaš

Projekat TV Salona umjetničke fotografije nastao je kao rezultat potrebe da se izložbe fotografija približe širem auditorijumu. Te izložbe su, bar u tuzlanskoj regiji, bile vrlo slabo posjećene bez obzira na kvalitet izloženih radova ili umjetnika čiji se radovi izlažu. Pri realizaciji projekta TV Salona iskorištena je naklonost koju Javno preduzeće Radio televizija Tuzlanskog kantona pokazuje prema izložbama koje se organiziraju u okviru Asocijacije za umjetničku fotografiju u Bosni i Hercegovini kao i potreba da se scenografski oplemeni prostor emisije iz kulture i umjetnosti pod nazivom "Kulturni mozaik".

U ljetnoj šemi emisija "Kulturni mozaik" emitirala se svakodnevno u popodnevnom terminu, a četvrtkom je većim dijelom posvećena postavljenoj izložbi i autoru te izložbe. Takođe se i izrađuje intermezzo uz tekstualnu podlogu koji se emitira samo u toj emisiji.

Postavljene su propozicije izložbi u čijim okvirima će se morati kretati svi izlagači a to su da je približan broj radova za svaku izložbu je 24-32 (u iznimnim slučajevima broj može biti i nešto manji kada je izložba iznimnog kvaliteta, a nema mogućnosti da se dopuni), izložbe mogu biti postavljene najviše 7 dana i moraju zadovoljiti najviše umjetničke kriterije.

Najniži rang autora koji izlažu na ovim izložbama je F1AUF (prvi rang), a mogu biti izložene i nacionalne kolekcije iz fundusa Asocijacije za umjetničku fotografiju u Bosni i Hercegovini, kao i iznimno kvalitetne kolekcije fotografa koji iz raznih razloga nisu rangirani u AUF-u. Izložbe mogu sadržavati crno-bijele i radove u boji a njihova tematika je slobodna s tim da finalnu selekciju vrši Robert Andrejaš KMFAUF, ujedno scenograf Javnog preduzeća Radio televizija Tuzlanskog kantona.



Prvi dvomjesečni ciklus ovih izložbi počeo je 01.06.2008.god. U okviru tog ciklusa postavljeno je 9 izložbi fotografija sljedećih autora:

Projekat "TV salon fotografije", (RTV TK, "Kulturni mozaik" 2008/2009), zajednički projekat

redakcije kulturno-zabavnog programa radiotelevizije Tuzlanskog Kantona i Foto-kino kluba Tuzla. Autor i producent projekta, u okviru koga su u periodu od 01.06.2008.-31.05.2009. upriličene projekcije i postavljene izložbe:

Robert Andrejaš KMFAUFBiH

Rikard Larma KMFAUF BiH (SAD)

Ozren Božanović KMFAUF, AFIAP

Tošo Mitaševski KMFAUF

Murat Jašarević MFAUF, AFIAP

Milan Latinović MFAUF

Mirsad Mujanović F1AUF AFIAP

Amer Kapetanović MFAUF

Nikola Marušić MFAUF, EFIAP (uz predstavljanje knjige fotografija Nikole Marušića)

Uz zadnju izložbu u tom ciklusu predpremijerno je predstavljena nova knjiga fotografija Nikole Marušića. Izložbe su ujedno bile i povod za gostovanje nekoliko fotografa umjetnika u emisiji "Mozaik".

Prepoznavši značaj ovakve prezentacije umjetničkog stvaralaštva, Asocijacija za umjetničku fotografiju u Bosni i Hercegovini je na kraju ljetne programske sheme uručila zahvalnice Javnom preduzeću Radio televizija Tuzlanskog kantona za podršku u realizaciji ovog projekta.

TV Salon umjetničke fotografije je zadržan i u jesenjoj šemi uz izvjesne promjene. Uz novu scenografsku postavku, "Mozaik" se emitira samo četvrtkom pa se uz svaku izložbu radi i intermezzo koji se emitira u više termina.



Teško je procijeniti koliko je "posjetilaca" imala svaka pojedina izložba TV Salona ali po reakcijama publike može se zaključiti da su izložbe vrlo "posjećene". Istovremeno kroz razgovore sa umjetničkim fotografima svi gledaoci mogli su steći saznanja o rangiranju autora i izložbi, načinu stjecanja zvanja i načinu rješenja pojedinih problema u fotografiji, tako da ovaj umjetnički fotografski svijet prestaje biti nepoznanica većini naših redovitih gledatelja. Istovremeno, prikazujući priznatu fotografsku umjetnost, Radio televizija Tuzlanskog kantona vrši educiranje gledatelja koji time stječu jedan novi osjećaj za umjetnost u fotografiji.

Pripremljen je skupni katalog izložbi koji treba izaći iz štampe za završetkom ovogodišnjeg ciklusa. Sve ovo osiguralo je nastavak ciklusa TV salona umjetničke fotografije i u sljedećoj programskoj shemi. U nastavku ovog ciklusa predstavljene su izložbe sljedećih autora /državnih kolekcija:

Duško Vričko MFAUF, AFIAP

Dragutin Radan MFFSS

državna kolekcija Singapur 60-tih godina u dva dijela
državna kolekcija Češka 70-tih godina u tri dijela
državna kolekcija Austrija 80-tih godina u tri dijela
Alija Akšamija KMF AUF
Ervin Pleše F1AUF
Franjo Burda F1AUF
Fuad Fočo
Fuad Galijašević F1AUF
Hukić Ahmet MF AUF, AFIAP
Nuraga Softić MF AUF, AFIAP
Risto Milićević MF AUF
državna kolekcija Vietnam 80-tih godina u dva dijela
Robert Semnic F1FSS
Slobodan Krstanović KMF AUF, AFIAP
Zijah Imamović
Izložba fotografija "Tito u jugoslovenskoj fotografiji"
Foto klub Tuzla
3 fotografkinje Andrejaš

Sezonu je okončala izložba koja se rangom ne uklapa u prethodni niz, ali je tematski bila vezana uz sedamnaesto UEFA Europsko fudbalsko prvenstvo koje je počelo sa zadnjim danom izložbe 31.05.2009. - Izložba sportske fotografije tuzlanskog fotoreportera Darka Zabuša

Predsjednik AUF BiH

Ozren Božanović